

que esse, qui etiam ante hunc conditus sit à Deo. Quæ sententia huic, quem nunc exponimus, errori, magnum firmamentum videtur attulisse, & tamen falsa est. In principio enim creauit Deus cælum & terram, nec antea vllus mundus erat vel visibilis vel inuisibilis. Nec tunc Deus mundos plures condidit, sed hunc tantùm conspicuum, quem incolimus, cuiusque nobis Genes. cap. I. origo explicatur. Et rectè Patres argumentantur vnum esse mundum, quia vnus est Deus. Est enim opus Dei mundus. Neque verò prætermisura erat Scriptura, si plures essent mundi, ne alium præter vnum & verum Deum, eorū conditorem existimarem: aut ne Deum ipsum tanti opificii laude priuarem. De quo in prima Physicæ nostræ Christianæ parte, quæ tamen nondum edita est, abundè diximus. Quod autem ad hanc hæresin attinet, neque illius originem, neque durationem, neque sedem vsquam legimus. Huius tamen breuissimè quidem meminit Isidorus, & fuit minuta hæresis, quæ magnos autores aut patronos diuturnamque ætatem habuisse minimè mihi videtur, eamque ad Basilidianos refero.

CAP. LXXVIII.

Tertullii & eorum error quis fuerit.



*Li*a sceleratorum animas ¹ conuerti in demonas dicit, & in quæque animalia suis meritis congrua.

¹ Animas conuerti.) Neque hîc, neque apud Isidorum nominatur hæc hæresis, tamen in indice huic operi præfixo vocantur hi Tertullii, quam nos